

# Ayimihoowin Kenawawpaschikaywin La zhawnsree di Kenadaw: Indigene Kakayeshhkimaywin Opaminikaywak Ayshkumoowin pi Ayimihoowin Weestamakaywin

2023

## Kawpaminikawtayk Kochiwahpatahiwaywin

Ooma Ayimihoowin Kenawawpaschikaywin La zhawnsree di Kenadaw soon [Indigene Kakayeshhkimaywin Opaminikaywak](#) (IAC keema Opaminikaywak) kee-oushtaniwun ishpee Awvree 2019 ishi aen neu ishchikataywin awntsoor [ooma Lway'd Ayimihoowin Kenawawpaschikaywin, 2019](#), shawpou kiko Li Promyee Nawsyoon, Aen Niskimoo, pi Aen Michif Li Moond pakitinamwuk kawakayshkimiwaywin poor ahkikiwin ouschi li promyee koonploon pi kishkayistamihiwaywin chi-kayschinhaw aykwawnima si rawr lee drway, nakatoohkataywina pi ay-itaystamoowin ouschi Indigene li moond nishtawayistakwun, kayshchinahowawun pi awnfors daw wawshakawshkayhk pi ayimihoowin kenawawpaschikaywin.

Ooki Opaminikaywak kee-oushtaniwun weeput ekouta avawn kaw-mawchistahk ouschi neu *Lway'd Ayimihoowin Kenawawpaschikaywin* ishpee 2019, akoushpee ooma aen zhawn'd Kenadaw *Lway'd Wawshakawshkayhk Kenawawpaschikaywin, 2012* kee-nakinamwuk pi katawpashtawniwun avek ooma *Lway'd Ayimihoowin Kenawawpaschikaywin, 2019* (Lway'd), kee-oushtawniwun ooma Ayimihoowin Kenawawpaschikaywin La zhawnsree di Kenadaw (La zhawnsree).

Ooma La zhawnsree si aykwawnima aen federal wayashtaywin kaw- pishkayimiawun ishi [Li Ministr di Wawshakawshkayhk pi Pahkawn Kawshikeeshikaw](#) aykwawnima pimoustataw kischee ayiwakawun ayimihoowin kenawawpaschikaywina pi kaweechihiwayt ishi miyeu ashpaymouwaywin oushishikawtaywin ishi kischee paminikaywina kapamihiwayhk kaw-shouhkun ahkikiwin.

IAC pakitinam ishi La zhawnsree avek noo-la lway kawakayshkimiwaywin nanawkatawayistam oohin nakatoohkataywina pi li troub ouschi Indigene Li moond poor ahkikiwin ouschi li promyee lee lway pi kishkayistamihiwaywin. Ooki Opaminikaywak meena weestamakaywak ishi nakishkamouwina poor mamouwitoohkamawkwaywin pi mamaawinitowin avek Indigene Li moond ishi lee lway pi kishkayistamihiwaywin awpachichikana, piwawweepat keestwawm takwashtawin miyikiwak ishi La zhawnsree sa En vyay Paminikayw ishi ayshkumoowin ouschi Opaminikaywak soo pimoustatawina.

Ashpin 2019, Opaminikaywak geemiyikiwak kischeetayistakwun kawakayshkimiwaywin ishi La zhawnsree ouschi Indigene Kishkayistamoowin, ooma kenawawpaschikaywin ouschi si posibb ayimihoowina ishi Indigene Lee drway, pi mamouwitoohkamawkwaywin. Kootak kawakayshkimiwaywin kaw-geemiyikiyahk ishi La zhawnsree akwawnima avek:

- [La lway poor ahkikiwin ouschi Indigene Kishkayistamoowin Lee lway Wayashtaywin \(aen noot-opaminikaywak weestamakaywin – Awhoo 2020\)](#)
- [La lway chi-weestamakayhk Mamouwitoohkamawkwaywin Awn nagrimawm awnter Indigene Li moond pi ooma Ayimihoowin Kenawawpaschikaywin La zhawnsree di Kenadaw \(awn nagrimawm ouschi opaminikaywak – Awvree 2021\)](#)
- [Ooshkayi keestwawm takwashtawin Indigene Kishkayistamoowin tout awn sawmb opaminikaywak itayistamoowina \(Oktobr 2021\)](#)
- [Indigene mamouwitoohkamawkwaywin didawn ayimihoowin kenawawpaschikaywin – Muwnayshkawkaywina pi la sawns \(Zhaen 2021\)](#)
- [Kochiwahpatahiwayhk Mamouwitoohkamawkwaywin Awn nagrimawm ishi la federal ayimihoowin kenawawpaschikaywin – \(awn nagrimawm ouschi opaminikaywak - Mii 2022\)](#)
- [La lway chi-kishkayistamihiwayhk ooma kenawawpaschikaywin ouschi ayimihoowin ishi Indigene Nishtum ouschi pi Tretee Lee drway \(awn nagrimawm ouschi opaminikaywak - Zhaen 2022\)](#)

## Ouschi Opaminikaywak

[Oki Opaminikaywak see il i dooz mambr](#) avek Li Promyee Nawsyoon, Aen Niskimoo, pi Aen Michif oneeshoohkamawkwaywak ita daw li piblik, li piyee pi tooroon not grawn piyee la level. Lee mambr pishishkayschikaywak ishi kaw-kishkayistamwak didawn see lee drway pi wiya ikou soon kaashkihtowin pi kweetakoowin si namoo kapahkawninawkwun ishi neepawistamakaywin ouschi aen ispray la nawsyoon, alawntour pi mamowitowin. Oki Opaminikaywak kayschinahowak aykwawnima geemiyikiwak ay-yakashkow pi kaykinkaywin la veu ouschi si rawr lee drway, nakatoohkataywina, ayndawayishchikataywina pi ishpayinwina ouschi Indigene Li moond didawn Kenadaw.

Ooki Opaminikaywak aywee-itootahk chi-wawpasta tawpway ayimihoowina aykwawnima kawkakayshkimiwaywin ka-ayahk pimoustatawin ouschi *Lway'd Ayimihoowin Kenawawpaschikaywin*. Kochiwahpatahiwaywin ouschi ooma tawnsheeshi La zhawnsree kee-aymashnipayhwawt ooma Opaminikaywak okishkayistamihwaywin ouschi mamouwitoohkamawkaywin chi-zaenproovmawn awn nagrimawm aykwawnima La zhawnsree kaw-peehtikwayt ishi avek Indigene alawntour. Poor ishi chi-kayschinahow aykwawnima si rawr lee drway, nakatoohkataywina pi ay-itaystamoowin ouschi Indigene li moond nishtawayistakwun, kayshchinahooawwn pi awnfors didawn wawshakawshkayhk pi ayimihoowin kenawawpaschikaywin, pikou chi-ahkamayihtamahk chi-wawpastamahk nikakayshkimiwaywininawn chi-outinikawtayk didawn La zhawnsree soon koonploon pi kishkayistamihwaywin.

## Ooma weestamakaywin ouschi

Ooma weestamakaywin ouschi Indigene Kakayeshhkimaywin ishi Ayimihoowin Kenawawpaschikaywin La zhawnsree pakitinam kochiwahpatahiwaywin ouschi ayshkumooowin aykwawnima Opaminikaywak kaw-kee-oushistawchik pakwatem ayndawayishchikataywina pi pimoustatawina kaw-kee-ashtawchik tout awn sawmb avek La zhawnsree soon li Prizidawn aytouwahk ouschi itashwaywin lee letr pawschi pawsee saenk. Mawka, ooma weestamakaywin aymashnipayhwawt Opaminikaywak see mamawachi omeekaywin pi kashkishtawina anoush ouschi kaw-geemiyikihk kawkakayshkimiwaywin ishi La zhawnsree. Akouma nishtam weestamakaywin tawnima Opaminikaywak ayshiwawpastam pi igzaminee kahkiyuw see kashkistawina pi muwnayshkawkaywina, aykwanaham aykwy-ikouhk ouschi Awvree 2019 shawpou Mawr 2022.

Avawn ooma kaw-ishinakishkamoomahahk oushishtaniwun di Indigene Kakayeshhkimaywin Opaminikaywak (IAC) awnter akwa nishitanikikawtayw 2019 Lway'd Ayimihoowin Kenawawpaschikaywin, mischayt kaw-mayikawtayk lee koonploon kee-oushihtawniwun aka kaykwuy mishtahi peekishkwatamoowin pi mamouwitoohkamawkaywin ouschi Indigene li moond didawn Kenadaw (Li Promyee Nawsyoon, Aen Michif pi Aen Niskimoo). Oushistawin ouschi IAC nigeer mayikawinawn ishi Indigene li moond aenportan atoushkaywin didawn daw la tab avek en vyay neekawnaywak didawn ay-youhtaynikawtayk pi gischeetayimitouwin. Kee-pakitinikawtayw poor lee lway lee shawnzhmawn shawpou weestamakaywin ouschi IAC lee mambr. Atoushkaywin kaw-ayitoutamahk si aykwawnima itaystamoowin/kochiwahpatahiwaywin aykwawnima Indigene li moond kaw-nee-pawistahkik pi aenportan atoushkaywin didawn Ayimihoowin Kenawawpaschikaywina. Mawka mishtahi koucheewin si ihtakwun chitouchikawtayk pi ooma pikou chi-pashpiniwun chi-mow-ashouhoutouhk didawn en rispay ishi pichi-ayahk aykwanihi itouwahk peekishkwaywina-kiko IAC pakitayihtam.

*Stanley Oliver*

## Ayndawayishchikataywina pi Kashkishtawina ouschi Indigene Kakayeshhkimaywin Opaminikaywak



### **Oushistaniwun La foondawsoon:**

Weeput Opaminikaywak nasawnblee kinawawpastamwuk ouschi Opaminikaywak tipayistamoowin avek kaw-ousihchikawtayk Ay-itwayhk di Kishkayistamihiwaywin, kishkayhtamoowin tawnsheeshi la bonch chi-atoushkaychik tout awnsaml pi nakishkamouwina poor chi-miyikiwuk kawkakayshkimiwaywin ishi La zhawnsree.

Ooki Opaminikaywak oushtaw ayndawayishchikataywina tout awn sawmb avek La zhawnsree pi keeshchayistam nagreemawn-kapahkawninawkwun mamouyiwahk kawkakayshkimiwaywin. Ooki Opaminikaywak pakitinam wawweepat kishkayistamihiwaywin ouschi soo ayshkumoowin pi kawkakayshkimiwaywin ishi La zhawnsree sa En vyay Paminikayw. Ooma La zhawnsree akoushpee pakitinam wawweepat kishkayistamihiwaywin ishi lee mamb tawnsheeshi okawkakayshkimiwaywin kaw-ishi awpachistahk didawn atoushkaywin ouschi La zhawnsree. Mistahi tashihkamooowin akwa ahkamaymouwin kee-tahkinay oushistaniwun chi-oushistaht poor weechayhtooowin awnter Opaminikaywak pi La zhawnsree, akwa chi-kayschinahow aykwawnima IAC okawkakayshkimiwaywin si ashtayw pishishkayhtamoowin ishi La zhawnsree koonploowin pi paminikaywina.

### **Indigene Kishkayistamoowin**

IAC oushistaht neekawn en morsou'd kaw-ishinakishkamooowin kawkakayshkimiwaywin ishi li Prizidawn aytoowahk ouschi [La lway chi-weestamakayhk ahkikiwin ouschi Interdepartmental Indigene Kishkayistamoowin Lee lway Wayashtaywin ishpee Awhoo, 2020](#). Oohin lee la lway aymashnipayhawwt aykwawnima kaw-ousihchikawtayk Indigene Kishkayistamoowin Lee lway Wayashtaywin poor Paminikaywin Wahpahchikawtaywin pi Il a disidee Pishkayihchikaywina aykwawnima pikou chigischeetayimitouhk poor paahkaan kishkayistamoowin aen system di Indigene alawntour kaw-ashashtayk didawn kee-ishopimawchihounawniwun pi pahpayyek alawntour ishchikataywin. Oohin li lway kee-weestam aykwawnima Indigene lee alawntour pikou chikee kawkishkayhtamouhiwayt tawnsheeshi Indigene Kishkayistamoowin si kaykinikawtayw didawn ayimihoowin kenawawpaschikaywin paminikaywin, avek kenawawschikawtaywin ouschi tousal Indigene Kishkayistamoowin.

IAC nishoohkamakayw avek La zhawnsree soo Nawkachistawin Kakayeshhkimaywin Opaminikaywak ouschi Science pi Kishkayistamoowin ishi ooma neekawnaywin, oushistaht tout awn sawmb-aen noot-opaminikaywak chi-oushistaht katakoonwin awnter deu ay-itayistamoowina. Ooma tout awn sawmb aen noot-opaminikaywak ouschi Indigene Kishkayistamoowin pi Science miyikiwak itayistamoowina ishi La zhawnsree chi-kaykinikayhk Indigene Kishkayistamoowin pi daw li West science, poor La zhawnsree soon kawkakayshkimiwaywin ishi neekawnayshtamawkawwin ouschi Indigene Kishkayistamoowin ishpee weeput ishchikataywin.

Kahkiyuw IAC soo kaw-ishinakishkamooowin kawkakayshkimiwaywin ouschi Indigene Kishkayistamoowin kaw-ishi awpachistahk didawn ooma [Indigene Kishkayistamoowin Lee lway Wayashtaywin poor Paminikaywin Wahpahchikawtaywin pi Il a disidee Pishkayihchikaywina](#), kiko pakitinam la foondawsoon chi-pamihiwayhk ayiwawkw mamouwitoohkamawkawwin pakwattem la federal oneekawnaywak pi Indigene Li moond ishpee kaw-itayistahkik Indigene Kishkayistamoowin didawn paminikaywin wahpahchikawtaywin pi kaw-il a disidee pishkayihchikaywina. IAC meena kee-wawpastahiwayw otatoushkaywin itay Mishway itay alawntour Mamowitouwun ouschi Ayimihoowin Kenawawpaschikaywin ishpee Mii 2022, awn pawr soo ayshkumoowin pi kawkakayshkimiwaywin avek Mishway itay alawntour ayimihoowin kenawawpaschikaywin alawntour.

Kahkiyaw wawhkoostouwin ouschi.  
Kahkiyaw kaykwuy shakamouhtawn  
– li moond, li tayr, li alimael, li  
fayuzh, etc. Atoushkayiwun awnter  
La zhawnsree pi IAC aykwawnihi  
pahki ouschi ooma  
shakamouhtawin, wawhkoostouwin.

*Susan Chiblow*

## Kenawawpaschikaywin Ayimihoowina ouschi Lee drway

Ishpee neekawn pawsee ouschi IAC soo itashwaywin, ooki Opaminikaywak miyikiwak kawakayshkimiwaywin ouschi [La zhawnsree](#) soon Maykwawt kishkayistamihiwaywin poor kenawawpaschikaywin oohin si posibb Ayimihoowins ishi Lee drway ouschi Indigene Li moond. IAC tahkay ayiwawk yahkipitam ooma neekawnaywin ishpee 2021-22 kaw-oushitawt La lway kaw- Kishkayistamihiwayhk ooma Kenawawpaschikaywin: Ayimihoowina ishi Indigene Nishtum ouschi pi Tretee Lee drway poor neekawnayshtamawkaywin, ooma La zhawnsree, pi ayimihoowin kenawawpaschikaywin oneeshoohkamawkaywak. Oohin La lway pakitinamwuk kawakayshkimiwaywin kaw- atoushkayhk avek Indigene alawntour maykwawt kaw-itashiwawtahkik ishchikataywin ouschi ayimihoowin kenawawpaschikaywin. Ooma en morsou'd meena kaw-itayistam awpachischikana kaw-natawayistakwahkik ouschi alawntour chi-oushistahk wayastaywina pi takwashchikaywina, tapishkoot kaw-ishi pimatishahk ayimihoowina pi ashtampichikaywina.

IAC maykwawt atoushkayw ishi ishchikataywin deu, chi-oushistahk ay-atoushkaymakahk kishkayistamihiwaywin poor neekawnayshtamawkaywin chi-wawpasta Ayimihoowina ishi Lee drway, kapamihiwayhk ouschi La lway chi- oushihtawniwun neekawnihk ouschi otashwaywin. IAC ahkamay kawakayshkimiwayw ouschi Ayimihoowin ouschi Lee drway kapamihiwayhk ay-shouhkahk nawsyoon-ishi-nawsyoon, li gouvarnimaw-ishi-li gouvarnimaw, Aen Niskimoo-Kischee wawhkoostouwin awntser La zhawnsree pi Indigene alawntour.

Nakatwayistamoowin ishi la tayr ayiwawk ishpischee lee drway ishi lee tayr.

## Mamouwitoohkamawkaywin pi Mamaawinitowin:

IAC atoushkaystam ishi chi-ousihchikawtayk lee lway pi kishkayistamihiwaywin avek La zhawnsree chi-pamihiwayhk mamouwitoohkamawkaywin pi mamaawinitowin avek Indigene Li moond. Ooma atoushkaywin kee-mawchistawn avek IAC sa [La lway chi-Weestamakayhk Mamouwitoohkamawkaywin Awn nagrimawm Awntser Indigene Li moond pi ooma Ayimihoowin Kenawawpaschikaywin La zhawnsree di Kenadaw,ishpee Awvree 2021](#). Oohin lee la lway kee- oushistaniwun chi-weestamahkihk awn nagrimawm aykwawnihi si possib akwa, pi chi-atoushkawchikawtayk ishi mamaawinitowin awn nagrimawm avawn neekawnihk lee lway. Oohin lee la lway kee-ashtayw meena kapamihiwayhk natounikaywina ishi muwnayshkawwawina pi la sawns poor Indigene [Mamouwitoohkamawkaywin didawn Ayimihoowin Kenawawpaschikaywina](#). Ooma La lway kee-kayschinahiwaw aykwanihi aenportan kakayeshkimiwaywina poor nishtawinahawtaywin La zhawnsree soo atoushkaywina pi pishkayimiwawn miyeuweechaytuwin ishi Weechiwawhkoostouwin, ayish kee- oushihtawniwun ay-kwayashkwashchikawtayk avek li lway di piyii didawn ooma Tooroon Not Grawn Piyeen Nawsyoon Weestamakaywin ouschi Lee drway di Indigene Li moond, La Vayritee pi Weechiwawhkoostouwin Peehkishkwayshtamakaywin Taypwachikaywin poor Kwayashkwatishiwin, pi ooma La lway Rispay Li Gouvarnimaw di Kenadaw soon Wawhkoostouwin avek Indigene Li moond.

[Ooma Aen roun di Nakachistawak](#) atoushkaymakun ishi aen noot-opaminikaywak ouschi Indigene Kakayeshhkimaywin Opaminikaywak. Lee mamabr ouschi Aen roun aykwawniki Li Promyee Nawsyoon, Aen Michif pi Aen Niskimoo ayishayinoowak, akwa meena nakachistawak kaw- itayistakwahk ouschi Indigene ayishayinoowak pi mamowitouwina. Oohin lee veu kaw-weechikawtaykikhk ouschi itatow la mambr ouhchipayiwn wiya-ikouhk omooshistowin pi kishkayistamoowin.

Ooma Aen roun kee-oushistaniwun chi-nishohkamikawtayk peekishkwawchikaywin li papyee avek La zhawnsree aykwawnima aymashnipayhwawt li troubl pi itayistamoowina poor si posibbl nakishkamouwina ishi Indigene mamaawinitowin nagrimawm awntser ooma *Lway'd Ayimihoowin Kenawawpaschikaywin*. Ooma peekishkwawchikaywin li papyee chi-awpachistawn kaw-youhtayna peekishkwawwina avek Indigene lee drway-michiminikaywak shawpou tooroon not grown piyeen mamouwitoohkamawkaywin neekawnaystamakaywin poor ahkikiwin ouschi kaw- itayistakwahk [Indigene Mamaawinitowin Awn nagrimawm Lee lway pi Lee lway Nakishkamouwina awntser ooma Lway'd Ayimihoowin Kenawawpaschikaywin](#).

Kaw-pimitishahikawtayki oohin lee morsou'd, IAC atoushkayw avek La zhawnsree chi-nishohkamikawtayk ay-kochiwahpatahiwayhk Mamouwitoohkamawkawwin Awn nagrimawm ishi kishinahamakawwin kochiwahpatahiwaywina poor kaw-ousihchikawtayk Mamouwitoohkamawkawwin Awn nagrimawm avek Indigene Li moond. Awta namoo deu mamouwitoohkamawkawwin awn nagrimawm chikee payyekwan, ooma li dokumawn pakitinam kaw-kishkayistamihiwayhk poor chi-ahkikiwin ouschi kahkiyuw Mamouwitoohkamawkawwin Awn nagrimawm. IAC wawpastam ooma en morsou'd ishi "pimawtishaymakun li dokumawn" aykwawnima chikee ooshkayi keestwawm oushtaniwun ishpee atoushkaywin ouschi Mamouwitoohkamawkawwin pi Mamaawinitowin ouschi IAC ahkamayihtam pi ishi La zhawnsree okishkayistamoowin avek kaw-pihtikwayhk ishi nawsyoon-ishi-nawsyoon pi li gouvarnimaw-ishi-li gouvarnimaw, kapahkawninawkwun awn nagrimawms mawhtinikawtayw, pi lee la lway wawshakawshkayhk mawscheemakun.

Ninishitouhtamouwinawn si aykwawnima ooma La zhawnsree awpachistaw nikawkakayshkimiwaywininawn ishi Mamouwitoohkamawkawwin pi Mamaawinitowin didawn awtist ahkamay paminikaywina, avek didawn ahkikiwin ouschi ispray paminikaywin kakayeshkimiwaywin awn nagrimawm pi ahkamay ahkikiwin ouschi La zhawnsree soon nakishkamouwina ishi Weechiwawhkoostouwin. Ooki Opaminikaywak meena atoushkaywak avek La zhawnsree chi-ousihchikawtayk nakishkamouwina poor chi-nishohkamikawtayk Indigene Mamaawinitowin Awn nagrimawm Lee lway.

### **Chiwawpahtamihk Neekawn**

Ishpee Mii 2022, li Prizidawn pi IAC tout awn sawmbl nishtawaynamwak traw ayndawayishchikataywina poor keestwawmi li pawsee ouschi IAC's itashiwaywin:

1. Indigene Kishkayistamoowin – Kawkakayshkimiwaywin pi weehstamakaywin ouschi awpachischikana kaw-kapamihiwayhk\_oneeshoohkamawkawwak kaw-tashihkahkik avek Indigene Kishkayistamoowin;
2. Kenawawpaschikaywin Ayimihoowina ouschi Lee drway – Kawkakayshkimiwaywin ishi neekawnayshtamawkawwin avek rispay ishi li promyee pimoustatawina pi pakoshayimoowin kaw-oushistanuwun ouschi La lway Kishkayistamihiwayhk ooma Kenawawpaschikaywin Ayimihoowina ishi Indigene Nishtum ouschi pi Tretee Lee drway poor neekawnayshtamawkawwin; pi,
3. Ka-ahkikiki Li troub – Geemiyikiwuk shaymawnk nashkoumiwaywin ouschi li promyee ka-ahkikiki li troub. Ooma chikee avek geemiyikiwuk nashkoumiwaywin ouschi La zhawnsree lee lway li dokumawn kaw-natawayihtakwahkik, keema nawashwaytum li tawn ki vyayn tout awn sawmbl atoushkaywin avek Nawkachistawin Kakayeshkimaywin Opaminikaywak ouschi kaw-awn pawr nakatoohkataywina.

IAC ahkamay chi-ouhpiwaywayw ooma La zhawnsree soo ahkamay atoushkaywin didawn nawashwaywin di Weechiwawhkoostouwin avek Indigene Li moond shawpou weechi-ahkikiwin, kaw-geemiyikiwuk kawkakayshkimiwaywin ouschi muwnayshkawwawina lee lway ahkikiwin enn seksyoon aykwawnihi aenportan ishi li mambr ouschi Opaminikaywak pi kapamihiwayhk ooma La zhawnsree oneekawnaywin chi-oushitahk kinwaysh-iyikouhk weechayhtoowina avek Indigene Li moond.

## Muwnayshkawkaywina

Ooma IAC otatoushkaywin si aykwawnima muwnayshkawkaywina pi ayimen meena pikou kaw-itayistam paminikaywin chi-ishpayihk ouschi *Lway'd Ayimihoowin Kenawawpaschikaywin*. Ooki Opaminikaywak natounamwak chi-neekawni mamitonayistahkik pi en travayawnt avek kawakayshkimiwaywin aykwawima kaw-pakitinamwuk ishi La zhawnsree, awta meena pimitishahamwak lee lway di piyii li tawn koonploon awnter ooma *Lway'd*.

Ooki Opaminikaywak itayimoow chi-kayschinahow okawkayshkimiwaywin si pimouhtaymakun, pi nakishkam natawayischikaywin pi pakoshayimoowina ouschi Indigene Li moond didawn Kenadaw. Ooki Opaminikaywak namoo ahtahayw Nawsyoon-ishi-Nawsyoon, li gouvarnimaw-ishi-li gouvarnimaw wawhkoostouwin pi kawakayshkimiwaywin kaw-ishpayihk ouschi Nawsyoon-ishi-Nawsyoon awn nagrimawm chikee outinikawtayk neekawnaywin pawsci kawakayshkimiwaywin ouschi Opaminikaywak.

Neekawn moon kishkayistamoowin kaw-itakouyawn didawn saenk (BC) wawshakawshkayhk kenawawpaschikaywin paminikaywina akwawnima si namoo kwayash. Namoo iyikouhk li tawn, ayshpeeshchawk, pi aen tawd d'arzhawn chi-nakishka la level nakaatchihtowin pi mamouwitookamawwaywin kaw-natawayistakwahk chikee mitouni pi kaw-atoushkaymakuhk chi-nakahtoohkatahk ishi kaw-neekawneeshtamakayk miyeu-kishkayihtamoohiwaywin disidee.

Ooma kishkayistamoowin nige sheehkimikoun chi-peekishkwayawn pi nakachitawin chi-neekawnayshtamawn poor shawnzhmawn aykwawnima miyuepayiwin ishi nawut kaykinikaywin ouschi Indigene Li Moond didawn ooma kenawawpaschikaywin pi la lway oushtawniwun kischee paminikaywina ouschi kaw-itahkamikahk didawn li territwayr.

Niki natoutayn chi-geetakouyawn IAAC soon Indigene Kakayeshkimaywin Opaminikaywak ishpee 2019 akouz niwawpastaen ooma la shawns chi-pakitinamawn kawakayshkimiwaywin ouschi Indigene Li Faem la veu, pi awpachishiwin kishkayistamoowin, chi-weehtamakayawn oohin lee shawnzhmawn kaw-natawayistakwahkik. Akoushi kaw-itouchikawtayk, nimiyeustaen chi-wawpastamawn La zhawnsree kaw-wawshkawaymakuhk ishi sartaen jhireksyoon ihsi natoustamoowin pi peestamouwin nikawkayshkimiwaywina pi kaw-oushistahk zaenproovmawn itay kaw-natawayistakwahkik. Keyapit mistahi atoushkaywin anavawn, mawka shawnzhmawn kinwaysheesh.

*Angel Ransom*

## Ayshkumoowin ishi Li promyee Lee lway Neekawnaywin Enn seksyoon

Ooma la tab awn baw ay-itwayhk ooma kawakayshkimiwaywin aykwawnima IAC kaw-kee-oushitawt ishi li promyee lee lway neekawnaywin enn seksyoon poor La zhawnsree, pi akwanaham iskoyikohk ouschi 2018 – 2023. Niyawnaw la veu ousci aykwawima La zhawnsree chi-igzaminee ooma weestamakaywin pi ripoond ishi IAC kaw-aymashnipaychikawtaykik awtist oohin ayimihoowin ouschi kawakayshkimiwaywin didawn oohin li promyee enn seksyoon.

Li promyee Lee lway Neekawnaywin Enn seksyoon	La diskripsyoon	Kashkistawin	Li promyee IAC Kawkakayshkimiwaywin Kaw-outistikow
<p>Indigene Science/Kishkayistamoowin</p>	<p>Weehstamakaywin ouschi La lway chi-weestmahk Interdepartmental Indigene Kishkayistamoowin Lee lway Wayashtaywin. (2020)</p> <p>Indigene Kishkayistamoowin Awpachischikana didawn Ayimihoowin Kenawawpaschikaywin: Kawkakayshkimiwaywin pi weehstamakaywin ouschi awpachischina kapamihiwayhk oneeshoohkamawkawwak avek kaw-tashihkahkik Indigene Kishkayistamoowin (tapishkoot, la varitee poor kaw-igzaminee Indigene kishkayistamoowin didawn neekawnayshtamawkawwin kaw-miyikawtayk, kochiwahpatahiwaywin poor tosal awn nagrimawm). (2021-22)</p> <p>Kawkakayshkimiwaywin pi weehstamakaywin ouschi awpachischikana kapamihiwayhk oneeshoohkamawkawwak kaw-tashihkahkik Indigene Kishkayistamoowin (tapishkoot, nashkoumiwaywin ishi tosal kochiwahpatahiwaywin pi</p>	<ul style="list-style-type: none"> <li>• Kawkakayshkimiwaywin aytouwahk ouschi La lway poor Ahkikiwin di IK Lee lway Wayashtaywin” chi-weestakihk ooma Interdepartmental IK Lee lway Wayashtaywin</li> <li>• Miyikiwak kawkakayshkimiwaywin kaw-ishi awpachistahk ouschi ishi IK Lee lway Wayashtaywin</li> <li>• Wawpahchikawtaywin itay Mishiway itay alawntour Mamowitouwun poor Ayimihoowin Kenawawpaschikaywin Awnsambl</li> <li>• Tout awn sawmbl pi oushistaniwun wawhkoostouwin avek Nawkachistawin Kakayeshhkimaywin Opaminikaywak</li> <li>•</li> <li>• Geemiyikiwuk weehstamakaywin ouschi awpachischikana poor Indigene Kishkayistamoowin didawn Ayimihoowin Kenawawpaschikaywin.</li> <li>•</li> </ul>	<ul style="list-style-type: none"> <li>• Moushakinam takwashchikawtaywin la diskripsyoon ouschi Indigene Kishkayistamoowin (IK) aykwawnima nishtawinam Indigene Kishkayistamoowin aen System ishi ashpayimouhk pi ahkamay mawhtinikawtayw paawsci li tawn.</li> <li>• Rispay poor Indigene kishkayistamoowin pi Indigene alawntour paminikaywin pi ayshitoutamoowin, pi nitawayischikawtaywin poor ayiwawk mamouwitoohkamawkawwin pi weechayhtouwin awnter Indigene mamowitouwun, li gouvarnimaw pi neekawnayshtamawkawwin.</li> <li>• Nawut aenportaan ouschi pakitayihtamoowin-ouschipayiwun paminikaywina pi nakinamowin aka kaw-pakitayihchikawtayk weestamakaywin ouschi Indigene Kishkayistamoowin</li> <li>• Kapamihiwayhk Indigene Li moond poor li koleksyoon, paminikaywin pi ashtachikoowin ouschi Indigene Kishkayistamoowin pi kaw-kayschinahow aykwanima Li gouvarnimaw ayow mishawin chi-mamouwitoohkamawkawwak avek Indigene Li moond ouschi Indigene Kishkayistamoowin.</li> </ul>

Li promyee Lee lway Neekawnaywin Enn seksyoon	La diskripsyoon	Kashkistawin	Li promyee IAC Kawkakayshkimiwaywin Kaw-outistikow
	<p>kawkakayshkimiwaywin ishi La zhawnsree oushci weechi-ahkikiwin paminikaywin poor nawkachistawin kishkayistamihwaywin) (22-23)</p>		<ul style="list-style-type: none"> <li>Indigene Kishkayistamoowin Lee lway Wayashtaywin chikee pimatishaymakahk li dokumawn aykwawnima wawweepat wawpaschikayin pi ooshkayi keestwawm takwashtawin ouschipayiwun ishi alawntour nashkoumiwaywin.</li> </ul>
<p><b>Kenawawpaschikaywin ooma Ayimihoowin ishi Lee drway ouschi Indigene Li moond</b></p>	<p>Kawkakayshkimiwaywin oushci La zhawnsree soon Maykwawt kishkayistamihwaywin itayimoowin ishi ayimihoowin kenawawpaschikaywin oneeshoohkamawkaywak. Tapishkoot, awpachischikana pi nahi ashtaywin nakishkamouwina poor awpachistawin ooma kishkayistamihwaywin didawn nanatouhk ishpayinwina. (2020)</p> <p>Kenawawpaschikaywin Ayimihoowina ouschi Lee drway: Kawkakayshkimiwaywin ishi neekawnayshtamawkaywin, ooma La zhawnsree pi oneeshoohkamawkaywak kaw-atoushkayhk avek Indigene alawntour maywawt kaw-itashiwawtahkik ishchikataywin. (2021-22)</p>	<ul style="list-style-type: none"> <li>Miyikiwin weehstamakaywin ishi La zhawnsree soon maykwawt kishkayistamihwaywin poor Kenawawpaschikaywin Ayimihoowina ouschi Lee drway</li> <li>Kawkakayshkimiwaywin aytouwahk ouschi La lway chi-Kishkayistamihwayhk ooma Kenawawpaschikaywin Ayimihoowin ishi Indigene Nishtum ouschi Tretee Lee drway</li> <li>Ahkamay ahkikiwin ouschi kawkakayshkimiwaywin geemiyikiwuk pimoutaymakun kishkayistamihwaywin ishi neekawnayshtamawkaywin chi-pimoustatahk Kenawawpaschikaywina ouschi Ayimihoowina ishi Lee drway.</li> </ul>	<p>Ooma kenawawpaschikaywin ishi si posibbl ayimihoowina oushci lee drway pikou chikee:</p> <ul style="list-style-type: none"> <li>Kaykinkaywin kahkiyuw Indigene lee drway pi nakatookkataywina.</li> <li>Kinawawpastamoowin oushci chickenawayhchikawtayk ishi Indigene lee drway pi nakatookkataywina.</li> <li>Kawpaminuhk ouschi Indigene Kishkayistamoowin aen system pi Indigene ishi kishkayistamoowina.</li> <li>Mamowitouwun pi oushtaniwun la sawns chi-awnkourazhee wawhkoostouwun avek Indigene lee drway michiminikaywak.</li> </ul> <p>Ooma kenawawpaschikaywin ohci si posibb ayimihoowina ishi lee drway pikou meena:</p>



Li promyee Lee lway Neekawnaywin Enn seksyoon	La diskripsyoon	Kashkistawin	Li promyee IAC Kawkakayshkimiwaywin Kaw-outistikow
	<p>Kawkakayshkimiwaywin ishi neekawnayshtamawkaywin avek rispek ishi li promyee pimoustatawina pi pakoshayimoowin oushistaniwun didawn maykwawt la lways-ohciyawin atoushkaywin. (22-23)</p>		<ul style="list-style-type: none"> <li>• Kaykinam nishtawinamoowin ouschi ispray Indigene tipayimishouwin ishchikataywina.</li> <li>• Moushahkinam mamouwiyaw nishitoustamoowin ouschi ayimihoowina pi nawashoonikaywin chi-miyashka keema chi-awchiwinikawtayk.</li> <li>• Awnawawn pi kapamihwayhk weechiwawhkoostouwin kahkiyuw ouschi paminikaywin.</li> </ul>
<p><b>Mamouwitoohkamawkaywin pi Mamaawinitowin avek Indigene Li moond</b></p>	<p>Kawkakayshkimiwaywin tawnsheeshi chi-awpachistahk ooma La zhawnsree soon iyamoowin chi-mamowi atoushkayk avek Indigene alawntour ishi, tapishkoot, itayistamoowin kochiwahpatahiwaywina poor mamouwitoohkamawkaywin awn nagrimawms pi kootaka weehchi awpachischikana chi-awpachistahk kaw-ashtaykihik maykwawt kishkayistamihwaywin. (2020)</p> <p>Ayiwawk Atoushkayin ouschi Mamouwitoohkamawkaywin Awn nagrimawm: Kawkakayshkimiwaywin ishi La zhawnsree ouschi kochiwahpatahiwayhk</p>	<ul style="list-style-type: none"> <li>• Kawkakayshkimiwaywin aytouwahk ouschi La lway chi-weestamahkik Mamouwitoohkamawkaywin Awn nagrimawm Awnter Indigene Nawsyoon pi ooma IAAC</li> <li>• Li lisawns natoonikewin iyishihkawtayw “Indigene Mamouwitoohkamawkaywin didawn Ayimihoowin Kenawawpaschikaywin: Muwnayshkawkaywina pi La sawns”</li> <li>• Oushihtawniwun ahkamay Kochiwahpatahiwayhk Mamouwitoohkamawkaywin Awn nagrimawm kochiwahpatahiwaywin chi-kishkayistamihwayhk ooma</li> </ul>	<p>Mamouwitoohkamawkaywin Awn nagrimawm chikee</p> <ul style="list-style-type: none"> <li>• Peekishkwatum wiya-ikou ashpayimouwin</li> <li>• Wawhkoostouwin-ouschipayiwun</li> <li>• Anawawn payakouhikawshouwuk ouschi Law pi Lee lway</li> <li>• Wawpastahwayw miyeu paminikaywin</li> <li>• Kayschinahowin miyeu la lway oushtawniwun ishpaywina</li> </ul> <p>Ooma Kochiwahpatahiwayhk Mamouwitoohkamawkaywin Awn nagrimawm namoo chikee kahkiyuw payyek taypishkum, pi chikee itayhtamoowin ishi itahtow alawntour</p>

Li promyee Lee Iway Neekawnaywin Enn seksyoon	La diskripsyoon	Kashkistawin	Li promyee IAC Kawkakayshkimiwaywin Kaw-outistikow
	<p>Mamouwitoohkamawkaywin Awn nagrimawm nakishkamouwina aykwawima kaykinikawtayw IAC soon “La Iway chi-Weestamahkik Mamouwitoohkamawkaywin Awn nagrimawms Awnter Indigene Nawsyoon pi Ayimihoowin Kenawawpaschikaywin La zhawnsree di Kenadaw.” (2021-22)</p>	<p>ahkikiwin ouschi Mamouwitoohkamawkaywin Awn nagrimawm</p> <ul style="list-style-type: none"> <li>Oushtaniwun aen noot-opaminikaywak en nom “ooma Aen roun ouschi Nakachistawak” chi-oustahk peekishkwawchikaywin li papyee kaw- aymashnipaychikawtaykik itayistamoowina poor Indigene Mamaawinitowin Awn nagrimawm Lee Iway pi Lee Iway Wayashtaywin</li> </ul> <p>Kahkiyuw pimoustatawina kee-keeshihtawn wiput pi awn pawr avek La zhawnsree soon atoushkaywa kaw-tashihkakhik Ayimihoowin Kenawawpaschikaywina. Ooma kawkakayshkimiwaywin kaw-ishi awpachistahk pi weeschikawtayw oushci li Iway di piyii di Tooroon Not Grawn Piyee Nawsyoon Weestamakaywin Lee drway ouschi Indigene Li moond pi La Vayritee pi Weechiwawhkoostouwin Opaminikaywak Taypwachikaywin poor Kwayashkwatishiwini.</p> <p>Atoushkaywin ouschi Aen roun di Nakachistawak si aykwawnima ahkamay.</p>	<p>keema ispray mamowitouwin nitawayihchikaywina pi ishpayinwina.</p>
<p><b>Ka-ahkikiki Li troub</b></p>	<p>Geemiyikiwuk wiput kawkakayshkimiwaywin chi-ripoond ishi ka-ahkikiki li troub</p>	<ul style="list-style-type: none"> <li>Miyikiwak li veu ouschi Oushtaniwun Ayimihoowin</li> </ul>	<ul style="list-style-type: none"> <li>Aenportaan ooma mamouwitoohkamawkaywin oushci li tawn koonploon pi nahiyikouhk</li> </ul>

Li promyee Lee Iway Neekawnaywin Enn seksyoon	La diskripsyoon	Kashkistawin	Li promyee IAC Kawkakayshkimiwaywin Kaw-outistikow
	<p>nishtawaynamwak ouschi La zhawnsree akwa meena pikou tawnima li promyee ka-ahkikiki li troub nishtawaynamwak ouschi Opaminikaywak. (2021-22)</p>	<p>Weestamakaywin Kakayeshkimiwaywin (TISG)</p> <ul style="list-style-type: none"> <li>• Ahkamay Kawkeeshpayik wawpaschikaywin didawn Aen roun Nakachistawak ouschi Indigene Mamaawinitowin Lee Iway</li> <li>• Opaminikaywak Wawpaschikaywin: Didawn ooma paminikaywin ohci kaw-ousihchikawtayk li pibik nakishkamoowin weehstamakaywina en morsou'd ouschi ayshkumoowin anoush ouschi.</li> <li>• Miyikiwak li vue ouschi La zhawnsree soon Wawpaschiaywin Wayashtaywin avek avawn-il a disidee mamouwitoohkamaw kaywin avek Indigene alawntour</li> <li>• Miyikiwak li veu ouschi La zhawnsree nakachihtamihiwaywin ouschi Ayimihoowin Kenawawpaschikaywin poor Neekawnayshtamaw kaywin pi Li Federal Tipayihchikaywak</li> <li>•</li> </ul>	<p>atoushkaywin ouschi neekawnayshtamaw kaywin didawn ooma kenawawpaschikaywin ouschi ayimihoowina ishi lee drway</p> <ul style="list-style-type: none"> <li>• Aenportaan ooma IAC mamouwitoohkamaw kaywin ouschi aymashnipaykawtayk kishkinawapachihchikewin poor peekishkwawchikaywin li papyee.</li> <li>• Aenportaan chi-kaychianhow Opaminikaywak kawkakayshkimiwaywin si awpatun ishi La zhawnsree.</li> <li>• Ili troub oushci ayshpeeshchawk pi nitawayistamoowin chi-pakitinamwuk kischee aen tawd d'arzhawn.</li> <li>• Ayiwawk weehstamakaywin nitawayistakwun poor alawntour didawn pamwayes- kaw-itashiwawtahkik ishchikataywin.</li> </ul>